

O identificiranju zemljišta kao neophodnog prirodnog resursa, a stručnjaka za tlo kao ključnih aktera u upravljanju našim državnim zemljišnim resursima.

U SENATU SJEDINJENIH DRŽAVA

31. JANUAR 2008.

Gospodin Brown (ispred sebe, g-dina Voinovicha, g-dina Grassleza, g-dina Salazara, g-dina Feingolda, g-dina Conrada i g-dina Harkina) podnio je sljedeću rezoluciju, koja se poziva na Komisiju za poljoprivredu, prehranu i šumarstvo

23. juni 2008.

Komisija raspuštena, razmotrila i složila se

REZOLUCIJA

Kojom se zemljište identificira kao veoma važan prirodni resurs, a stručnjaci za tlo kao ključni akteri u upravljanju zemljišnim resursima naše države.

Budući da je zdravlje zemljišta, biljaka, životinja i ljudi međusobno povezano i da održivo iskorištavanje zemljišta utiče na klimu, kvalitet vode i zraka, zdravlje ljudi, biodiverzitet, sigurnost hrane i poljoprivrednu proizvodnju;

Budući da je zemljište dinamičan sistem koji obavlja više funkcija i servisa neophodnih za ljudske aktivnosti i ekosisteme;

Usprkos važnosti koju zemljište ima za ljudsko zdravlje, okoliš, prehranu i hranu, stočnu hranu i proizvodnju goriva, kolektivna svijest o važnosti zaštite zemljišta je na niskom nivou;

Budući da degradacija zemljišta može biti veoma brza, a procesi formiranja i obnove veoma spori;

Budući da je zaštita zemljišta Sjedinjenih Država koja se zasniva na principima očuvanja i poboljšanja funkcija zemljišta, sprječavanja degradacije zemljišta, ublažavanja štetne upotrebe, kao i obnavljanja degradiranog zemljišta, neophodno potrebna za dugoročni prosperitet Sjedinjenih Država;

Budući da zakonodavstvo u oblasti prevencije i kontrole zagađivanja organskim, industrijskim, hemijskim, biološkim i medicinskim otpadom, treba da razmotri odredbe o zaštiti zemljišta;

Budući da zakonodavstvo u oblasti klimatskih promjena, kvaliteta vode, poljoprivrede i ruralnog razvoja, treba da ponudi koherentan i efikasan zakonski okvir za zajedničke principe i ciljeve usmjerene na zaštitu i održivo iskorištavanje zemljišnih resursa u Sjedinjenim Državama;

Budući da kontaminacija zemljišta praćena slabom ili neadekvatnom praksom upravljanja zemljištem, i dalje ostavlja zagađene lokacije bez provedenog postupka uklanjanja i popravljanja; te

Budući da se zemljištem može gazdovati na održiv način koji će očuvati njegovu sposobnost pružanja ekološke, ekonomske i društvene dobrobiti, a istovremeno sačuvati njegovu vrijednost za buduće generacije: Stoga, neka sada, bude

- 1 *Odlučeno*, da Senat –
- 2 (1) utvrđuje da je neophodno unaprijediti znanje, razmjenu informacija, i razviti i implementirati najbolju praksu za upravljanje zemljištem, obnovu zemljišta, sekvestraciju ugljika i dugoročno korištenje državnih zemljišnih resursa;
- 3 (2) utvrđuje važnost uloge naučnika i stručnjaka u oblasti zemljišta, koji će biti dobro opskrbljeni informacijama i iskustvom neophodnim za rješavanje sadašnjih, ali i budućih pitanja vezanih za državne zemljišne resurse;
- 4 (3) pohvaljuje naučnike i stručnjake u oblasti zemljišta za njihov rad na promoviranju obrazovanja, napredovanja i podizanja svijesti, neophodnih za pobuđivanje većeg interesovanja javnosti i boljeg poštivanja; te
- 5 (4) zahvaljuje se naučnicima i stručnjacima iz oblasti zemljišta na obećanju da će nastaviti da obogaćuju živote svih Amerikanaca unaprjeđivanjem upravljanja zemljištem, borbom protiv degradacije zemljišta, te osiguravanjem buduće zaštite i održivog iskorištavanja našeg zraka, zemljišnih i vodnih resursa.

Preveo: Prof. Dr. Hamid Čustoić
Sarajevo, 03.08.2008